



毛詩正文



服部文庫
117
165



117
165

兼山先生訓點

至于海隅
不許翻刻

毛詩正文全三冊



集思堂藏櫻

詩書正文序

幽厲之後王道衰禮文息而節
族廢孔子論詩書正禮樂千載
之下其粲然者六經是也而奧
突之間簞席之上歛然聖王之
道具焉學者之務莫先焉兼山
先生授六經常患奮讀助聲之
煩施訓點於詩書以便童蒙詩

序

從毛萇書從孔安國不少加私
行將及易禮無何先生逝矣可
歎哉田子文者同社之老成也
來謂余曰梁木雖壞二三兄弟
今猶昔也各木鐸於東西緒業
日興詩書亦從行日詩書之上
木將使公為之序而辭以不敏
屬者二三兄弟相言及于此其

志在成先師之意公盍達其志
乎忠見曰善哉子之言也於我
心有戚然先師已命焉兄弟六
云焉我敢不然焉哉遂以其言
為序天明甲辰春三月

鳥居忠見謹識



竹岡井庸肅拜書

序

周南第一
關雎后妃之德也風之始也所以風天下
而正夫婦也故用之鄉人焉用之邦國焉
風風也教也風以動之教以化之詩者志
之所之也在心為志發言為詩情動於中
而形於言言之不足故嗟歎之嗟歎之不

毛詩正文上

山子國讀 若山 田 弼 同按

笠間 松伸胤

周南第一

關雎后妃之德也風之始也所以風天下
而正夫婦也故用之鄉人焉用之邦國焉
風風也教也風以動之教以化之詩者志
之所之也在心為志發言為詩情動於中
而形於言言之不足故嗟歎之嗟歎之不

足故永歌之永歌之不足不知手之舞之
足之蹈之也情發於聲聲成文謂之音治
世之音安以樂其政和亂世之音怨以怒
其政乖亡國之音哀以思其民困故正得
失動天地感鬼神莫近於詩先王以是經
夫婦成孝敬厚人倫美教化移風俗故詩
有六義焉一曰風二曰賦三曰比四曰興
五曰雅六曰頌以上以風化下下以風刺上
主文而譎諫言之者無罪聞之者足以戒
故曰風至于王道衰禮義廢政教失國異

政家殊俗而變風變雅作矣國史明乎得
失之迹傷人倫之廢哀刑政之苛吟詠情
性以風其上達於事變而懷其舊俗者也
故變風發乎情止乎禮義發乎情民之性
也止乎禮義先王之澤也是以一國之事
繫一人之本謂之風言天下之事形四方
之風謂之雅雅者正也言王政之所由廢
興也政有小大故有小雅焉有大雅焉頌
者美盛德之形容以其成功告於神明者
也是謂四始詩之至也然則關雎麟趾之

化王者之風故繫之周公南言化自北而南也鵲巢騶虞之德諸侯之風也先王之所以教故繫之召公周南召南正始之道王化之基是以關雎樂得淑女以配君子憂在進賢不淫其色哀窈窕思賢才而無傷善之心焉是關雎之義也

關關雎鳩在河之洲窈窕淑女君子好逑○
參差荇菜左右流之窈窕淑女寤寐求之○
求之不得寤寐思服悠哉悠哉輾轉反側○
參差荇菜左右采之窈窕淑女琴瑟友之○

參差荇菜左右采之窈窕淑女鐘鼓樂之

關雎五章故言三章

葛覃后妃之本也后妃在父母家則志在於女功之事躬儉節用服澣濯之衣尊敬師傅則可以歸安父母化天下以婦道也葛之覃兮施于中谷維葉萋萋黃鳥于飛集于灌木其鳴喈喈○葛之覃兮施于中谷維葉莫莫是刈是漙為絺為綌服之無斁○言告師氏言告言歸薄汚我私薄澣我衣害澣害否歸寧父母

葛覃三章

卷耳。后妃之志也。又當輔佐君子，求賢審官，知臣下之勤，諒內有進賢之志，而無險詖私謁之心。朝夕思念，至於憂勤也。

采采卷耳，不盈頃筐。嗟我懷人，寘彼周行。

陟彼崔嵬，我馬虺隤。我姑酌彼金罍，維以不永懷。

陟彼高岡，我馬玄黃。我姑酌彼兕觥，維以不永傷。

陟彼砠矣，我馬瘠矣。我僕痡矣，云何吁矣。

卷耳四章

樛木。后妃逮下也。言能逮下而無嫉妬之心焉。

南有樛木，葛藟纍之。樂只君子，福履綏之。

南有樛木，葛藟荒之。樂只君子，福履將之。

南有樛木，葛藟荒之。樂只君子，福履成之。

樛木三章

螽斯。后妃子孫衆多也。言若螽斯，不妬忌，則子孫衆多也。

螽斯羽，詵詵兮。宜爾子孫振振兮。

螽斯羽，揖揖兮。宜爾子孫繩繩兮。

○螽斯羽，揖揖兮。宜爾子孫繩繩兮。

○螽斯羽，揖揖兮。宜爾子孫繩繩兮。

毛詩正義
宜爾子孫。螻蟻蟄兮。

螽斯三章

桃夭。后妃之所致也。不妬忌。則男女以正。婚姻以時。國無鰥民也。

桃之夭夭。灼灼其華。之子于歸。宜其室家。○
桃之夭夭。有蕢其實。之子于歸。宜其家室。○
桃之夭夭。其葉蓁蓁。之子于歸。宜其家人。○

桃夭三章

兔置。后妃之化也。關雎之化行。則莫不好。德賢人衆多也。

肅肅兔置。椽之丁丁。赳赳武夫。公侯干城。○
肅肅兔置。施于中逵。赳赳武夫。公侯好仇。○
肅肅兔置。施于中林。赳赳武夫。公侯腹心。○

兔置三章

采芣。后妃之美也。天下和平。則婦人樂有子矣。

采芣芣。苢薄言采之。采采芣苢。薄言有之。○
采采芣苢。薄言掇之。采采芣苢。薄言捋之。○
采采芣苢。薄言袪之。采采芣苢。薄言禴之。○

采芣三章

漢廣德廣所及也文王之道禮于南國美
化行乎江漢之域無思犯禮求而不可得
也

息一本作休息

南有喬木不可休息漢有游女不可求思漢
之廣矣不可泳思江之永矣不可方思○翹
翹錯薪言刈其楚之子于歸言秣其馬漢之
廣矣不可泳思江之永矣不可方思○翹翹
錯薪言刈其萋之子于歸言秣其駒漢之廣
矣不可泳思江之永矣不可方思

漢廣三章

汝墳道化行也文王之化行乎汝墳之國
婦人能閔其君子猶勉之以正也

遵彼汝墳伐其條枚未見君子惄如調飢○
遵彼汝墳伐其條肄既見君子不我遐棄○
魴魚頰尾王室如燬雖則如燬父母孔邇○

汝墳三章

麟之趾關雎之應也關雎之化行則天下
無犯非禮雖衰世之公子皆信厚如麟趾
之時也

麟之趾振振公子于嗟麟兮○麟之定振振

公姓于嗟麟兮麟之角振振公族于嗟麟兮

麟之趾三章

周南之國十一篇三十六章

召南第二

鵲巢夫人之德也國君積行累功以致爵位夫人起家而居有之德如鴈鳩乃可以配焉

維鵲有巢維鳩居之之子于歸百兩御之
維鵲有巢維鳩方之之子于歸百兩將之

維鵲有巢維鳩盈之之子于歸百兩成之

鵲巢三章

采芣夫人不失職也夫人可以奉祭祀則不失職矣

于以采芣于沼于沚于以用之公侯之事
于以采芣于澗之中于以用之公侯之宮
被之僮僮夙夜在公被之祁祁薄言還歸

采芣三章

艸蟲大夫妻能以禮自防也

嘒嘒艸蟲趨趨阜螽未見君子憂心忡忡亦

既見止亦既覲止我心則降○陟彼南山言
采其蕨未見君子憂心惛惛亦既見止亦既
覲止我心則說○陟彼南山言采其薇未見
君子我心傷悲亦既見止亦既覲止我心則
夷

艸蟲三章

采蘋大夫妻能循法度也能循法度則可
以承先祖共祭祀矣
于以采蘋南澗之濱于以采藻于彼行潦○
于以盛之維筐及筥于以湘之維錡及釜○

于以奠之宗室牖下誰其尸之有齊季女

采蘋三章

甘棠美召伯也召伯之教明於南國○
蔽芾甘棠勿剪勿伐召伯所茇○蔽芾甘棠
勿剪勿敗召伯所憩○蔽芾甘棠勿剪勿拜
召伯所說

甘棠三章

行露召伯聽訟也衰亂之俗微貞信之教
興疆暴之男不能侵陵貞女也
厭浥行露豈不夙夜謂行多露○誰謂雀無

角何以穿我屋誰謂女無家何以速我獄雖
速我獄室家不足○誰謂鼠無牙何以穿我
墉誰謂女無家何以速我訟雖速我訟亦不
女從

行露三章

羔羊鵲巢之功致也召南之國化文王之
政在位皆節儉正直德如羔羊也
羔羊之皮素絲五紵退食自公委蛇委蛇○
羔羊之革素絲五緘委蛇委蛇自公退食○
羔羊之縫素絲五總委蛇委蛇退食自公

羔羊三章

殷其雷勸以義也召南之大夫遠行從政
不遑寧處其室家能閔其勤勞勸以義也
殷其雷在南山之陽何斯違斯莫敢或遑振
振君子歸哉歸哉○殷其雷在南山之側何
斯違斯莫敢遑息振振君子歸哉歸哉○殷
其雷在南山之下何斯違斯莫或遑處振振
君子歸哉歸哉

殷其雷三章

標有梅男女及時也召南之國被文王之

化男女得以及時也

標有梅其實七兮求我庶士迨其吉兮○標有梅其實三兮求我庶士迨其今兮○標有梅頃筐堅之求我庶士迨其謂之

標有梅三章

小星惠及下也夫人無妬忌之行惠及賤妾進御於君知其命有貴賤能盡其心矣嗟彼小星三五在東肅肅宵征夙夜在公寔命不同○嗟彼小星維參與昴肅肅宵征抱衾與裯寔命不猶

小星二章

江有汜美媵也勤而無怨嫡能悔過也文王之時江沱之間有嫡不以其媵備數媵遇勞而無怨嫡亦自悔也

江有汜之子歸不我以不我以其後也悔○江有渚之子歸不我與不我與其後也處○江有沱之子歸不我過不我過其嘯也歌

江有汜三章

野有死麕惡無禮也天下大亂疆暴相陵遂成淫風被文王之化雖當亂世猶惡無

處止也毛鄭同

禮也

野有死麕。白茅包之。有女懷春。吉士誘之。○
林有樸檉。野有死鹿。白茅純束。有女如玉。○
舒而脫脫兮。無感我帨兮。無使尫也吠。

野有死麕三章

何彼禮矣。美王姬也。雖則王姬。亦下嫁於
諸侯。車服不繫其夫。下王后一等。猶執婦
道。以成肅雝之德也。

何彼禮矣。唐棣之華。曷不肅雝。王姬之車。○
何彼禮矣。華如桃李。平王之孫。齊侯之子。○

其鈞維何。維絲伊緡。齊侯之子。平王之孫。

何彼禮矣三章

騶虞。鵲巢之應也。鵲巢之化。行人倫既正。
朝廷既治。天下純被。文王之化。則庶類蕃
殖。蒐田以時。仁如騶虞。則王道成也。

彼茁者葭。壹發五豝。于嗟乎騶虞。○
蓬壹發五豝。于嗟乎騶虞。

騶虞二章

召南之國十四篇四十章

邶第三

柏舟言仁而不遇也衛頃公之時仁人不遇小人在側

汎彼柏舟亦汎其流耿耿不寐如有隱憂微我無酒以敖以遊○我心匪鑿不可以茹亦有兄弟不可以據薄言往愬逢彼之怒○我心匪石不可轉也我心匪席不可卷也威儀棣棣不可選也○憂心悄悄愠于群小覯閔既多受侮不少靜言思之寤辟有標○日居月諸胡迭而微○心之憂矣如匪澣衣靜言思之不能奮飛

柏舟五章

綠衣衛莊姜傷己也妾上僭夫人失位而作是詩也

綠兮衣兮綠衣黃裏心之憂矣曷維其已○綠兮衣兮綠衣黃裳心之憂矣曷維其已○綠兮絲兮女所治兮我思古人俾無訖兮○緜兮綌兮淒其以風我思古人實獲我心

綠衣四章

燕燕衛莊姜送歸妾也

燕燕于飛差池其羽之子于歸遠送于野瞻

逝不古處
我無異
簡說身

望弗及泣涕如雨○燕燕于飛頡之頡之之
子于歸遠于將之瞻望弗及佇立以泣○燕
燕于飛下土其音之子于歸遠送于南瞻望
弗及實勞我心○仲氏任只其心塞淵終溫
且惠淑慎其身先君之思以勗寡人

燕燕四章

日月衛莊姜傷已也遭州吁之難傷已不
見答於先君以至困窮之詩也

日居月諸照臨下土乃如之人兮逝不古處
胡能有定寧不我顧○日居月諸下土是冒

乃如之人兮逝不相好胡能有定寧不我報
○日居月諸出自東方乃如之人兮德音無
良胡能有定俾也可忘○日居月諸東方自
出父兮母兮畜我不卒胡能有定報我不述

日月四章

終風衛莊姜傷已也遭州吁之暴見侮慢
而不能正也

終風且暴顧我則笑謔浪笑敖中心是悼○
終風且霾惠然肯來莫往莫來悠悠我思○
終風且曠不日有曠寤言不寐願言則嚏○

顧言之取鄭

三詩五

曠曠其陰。迪迪其靈。寤言不寐。願言則懷。

終風四章

擊鼓怨州吁也。衛州吁用兵暴亂。使公孫文仲將而平陳與宋。國人怨其勇而無禮也。

擊鼓其鏜。踴躍用兵。土國漕。我獨南行。○
從孫子仲。平陳與宋。不我以歸。憂心有仲。○
爰居爰處。爰喪其馬。于以求之。于林之下。○
死生契闊。與子成說。執子之手。與子偕老。○
于嗟闊兮。不我活兮。于嗟洵兮。不我信兮。

擊鼓五章

凱風美孝子也。衛之淫風流行。雖有七子之母。猶不能安其室。故美七子能盡其孝道。以慰其母心。而成其志爾。

凱風自南。吹彼棘心。棘心夭夭。母氏劬勞。○
凱風自南。吹彼棘薪。母氏聖善。我無令人。○
爰有寒泉。在浚之下。有子七人。母氏勞苦。○
覯皖黃鳥。載好其音。有子七人。莫慰母心。○

凱風四章

雄雉刺衛宣公也。淫亂不恤國事。軍旅數

起大夫久役男女怨曠國人患之而作是

詩 風四章

雄雉于飛泄泄其羽我之懷矣自貽伊阻
雄雉于飛下土其音展矣君子實勞我心
瞻彼日月悠悠我思道之云遠曷云能來
百爾君子不知德行不忮不求何用不臧

雄雉四章

匏有苦葉刺衛宣公也公與夫人並為淫

亂

匏有苦葉濟有深涉深則厲淺則揭○有瀾

軌日龜姜及依德
竟宜幸此

濟盈有鷺雉鳴濟盈不濡軌雉鳴求其牡
雝雝鳴雁旭日始旦士如歸妻迨冰未泮
招招舟子人涉卬否人涉卬否須我友

匏有苦葉四章

谷風刺夫婦失道也衛人化其上淫於新
昏而棄其舊室夫婦離絕國俗傷敗焉
習習谷風以陰以雨黽勉同心不宜有怒采
葑采菲無以下體德音莫違及爾同死○行
道遲遲中心有違不遠伊迺薄送我畿誰謂
荼苦其甘如薺宴爾新昏如兄如弟○涇以

毛詩正義
渭濁湜湜其止宴爾新昏不我屑以母逝我
梁毋發我笱我躬不閱遑恤我後○就其深
矣方之舟之就其淺矣泳之游之何有何止
阻勉求之凡民有喪匍匐救之○不我能愓
反以我為讎既阻我德賈用不售昔育恐育
鞫及爾顛覆既生既育比予于毒○我有旨
蓄亦以御冬宴爾新昏以我御窮有洗有潰
既詒我肄不念昔者伊余來暨

谷風六章

式微黎侯寓于衛其臣勸以歸也

式微式微胡不歸微君之故胡為乎中露○
式微式微胡不歸微君之躬胡為乎泥中○

式微二章

旄丘責衛伯也狄人迫逐黎侯黎侯寓于
衛衛不能修方伯連率之職黎之臣子以
責於衛也

旄丘之葛兮何誕之節兮叔兮伯兮何多日
也○何其處也必有與也何其久也必有以
也○狐裘蒙戎匪車不東叔兮伯兮靡所與
同○瑣兮尾兮流離之子叔兮伯兮裒如充

裝如充耳鄭

方將萬舞

簡兮刺不用賢也衛之賢者仕於伶官皆
可以承事王者也
簡兮簡兮方將萬舞日之方中在前上處碩
人俟俟公庭萬舞有力如虎執轡如組左
手執籥右手秉翟赫如渥赭公言錫爵山
有榛隰有苓云誰之思西方美人彼美人兮
西方之人兮

簡兮三章

泉水衛女思歸也嫁於諸侯父母終思歸
寧而不得故作是詩以自見也

比彼泉水亦流于淇有懷于衛靡日不思
彼諸姬聊與之謀○出宿于泂飲餞于禰女
子有行遠父母兄弟問我諸姑遂及伯姊○
出宿于干飲餞于言載脂載牽還車言邁邁
臻于衛不瑕有害○我思肥泉茲之永歎思
須與漕我心悠悠駕言出遊以寫我憂

泉水四章

比門刺仕不得志也言衛之忠臣不得其

三詩王

志爾

出自北門憂心殷殷終窶且貧莫知我艱已
焉哉天實為之謂之何哉○王事適我政事
一埤益我我入自外室人交徧謫我已焉哉
天實為之謂之何哉○王事敦我政事一埤
遺我我入自外室人交徧推我已焉哉天實
為之謂之何哉

北門三章

北風刺虐也衛國並為威虐百姓不親莫
不相攜持而去焉

北風其涼雨雪其雱惠而好我攜手同行其
虛其邪既亟只且○北風其喈雨雪其霏惠
而好我攜手同歸其虛其邪既亟只且○莫
赤匪狐莫黑匪烏惠而好我攜手同車其虛
其邪既亟只且

北風三章

靜女刺時也衛君無道夫人無德

靜女其姝俟我於城隅愛而不見搔首踟躕
○靜女其嬈貽我彤管彤管有煒說懌女美
○自牧歸荂洵美且異匪女之為美美人之

靜女三章

新臺刺衛宣公也納伋之妻作新臺于河上而要之國人惡之而作是詩也

新臺有泚河水彌彌燕婉之求蘧蔕不鮮
新臺有洒河水浼浼燕婉之求蘧蔕不殄
魚網之設鴻則離之燕婉之求得此戚施

新臺三章

二子乘舟思伋壽也衛宣公之二子爭相為死國人傷而思之而作是詩也

願言

二子乘舟汎汎其景願言思子中心養養
二子乘舟汎汎其逝願言思子不瑕有害

二子乘舟二章

邶國十九篇七十一章

鄘第四

栢舟其姜自誓也衛世子共伯蚤死其妻守義父母欲奪而嫁之誓而弗許故作是詩以絕之

汎彼栢舟在彼中河鬣彼兩髦實維我儀之死矢靡它母也天只不諒人只
汎彼栢舟

在彼河側。鬣彼兩髦。實維我特。之死矢靡慝。母也天只。不諒人只。

栢舟二章

牆有茨。衛人刺其上。也公子頑。通乎君母。國人疾之。而不可道也。

牆有茨。不可埽也。中冓之言。不可道也。所可道也。言之醜也。○牆有茨。不可襄也。中冓之言。不可詳也。所可詳也。言之長也。○牆有茨。不可束也。中冓之言。不可讀也。所可讀也。言之辱也。

牆有茨三章

君子偕老。刺衛夫人也。夫人淫亂。失事君子之道。故陳人君之德。服飾之盛。宜與君子偕老也。

君子偕老。副笄六珈。委委佗佗。如山如河。象服是宜。子之不淑。云如之何。○玼兮玼兮。其之翟也。鬢髮如雲。不屑髦也。玉之瑱也。象之掃也。揚且之皙也。胡然而天也。胡然而帝也。○瑳兮瑳兮。其之展也。蒙彼縵絺。是繼紕也。子之清揚。揚且之顏也。展如之人兮。邦之媛也。

君子偕老三章

桑中刺奔也衛之公室淫亂男女相奔至
于世族在位相竊妻妾期於幽遠政散民
流而不可止

爰采唐矣沫之鄉矣云誰之思美孟姜矣期
我乎桑中要我乎上宮送我乎淇之上矣○
爰采麥矣沫之北矣云誰之思美孟弋矣期
我乎桑中要我乎上宮送我乎淇之上矣○
爰采葑矣沫之東矣云誰之思美孟庸矣期

我乎桑中要我乎上宮送我乎淇之上矣

桑中三章

鶉之奔奔刺衛宣姜也衛人以為宣姜鶉
鶉之不若也

鶉之奔奔鶉之疆疆人之無良我以為兄○
鶉之疆疆鶉之奔奔人之無良我以為君

鶉之奔奔二章

定之方中美衛文公也衛為狄所滅東徙
渡河野處漕邑齊桓公攘戎狄而封之文
公徙居楚丘始建城市而營宮室得其時

制百姓說之國家殷富焉

定之方中作于楚宮揆之以日作于楚室樹之榛栗椅桐梓漆爰伐琴瑟升彼虛矣以望楚矣望楚與堂景山與京降觀于桑卜云其吉終焉允臧靈雨既零命彼倌人星言夙駕說于桑田匪直也人秉心塞淵騶牝三千

定之方中三章

蝮螭止奔也衛文公能以道化其民淫奔之耻國人不齒也

蝮螭在東莫之敢指女子有行遠父母兄弟朝濟于西崇朝其兩女子有行遠兄弟父母乃如之人也懷昏姻也大無信也不知命也

蝮螭三章

相鼠刺無禮也衛文公能正其羣臣而刺在位承先君之化無禮儀也

相鼠有皮人而無儀人而無儀不死何為相鼠有齒人而無止人而無止不死何俟相鼠有體人而無禮人而無禮胡不遄死

相鼠三章

干旄美好善也。衛文公臣子多好善賢者，樂告以善道也。

子子干旄在浚之郊，素絲紕之良馬四之。彼
姝者子，何以鼻之。○子子干旄在浚之都，素
絲組之良馬五之。彼姝者子，何以予之。○子
子干旄在浚之城，素絲祝之良馬六之。彼姝
者子，何以告之。

干旄三章

載馳許穆夫人作也。閔其宗國顛覆自傷

祝鄭之寫反
當作屬

紕之四之鄭

不能救也。衛懿公為狄人所滅，國人分散，
露於漕邑。許穆夫人閔衛之亾，傷許之小，
力不能救，思歸唁其兄，又義不得，故賦是
詩也。

載馳載驅，歸唁衛侯。驅馬悠悠，言至于漕。大
夫跋涉，我心則憂。○既不我嘉，不能旋及。視
爾不臧，我思不遠。○既不我嘉，不能旋視。
視爾不臧，我思不閔。○陟彼阿丘，言采其蕪。女
子善懷，亦各有行。許人尤之，衆穉且狂。○我
行其野，芄芃其麥。控于大邦，誰因誰極。大夫

君子無我有尤百爾所思不如我所之

載馳五章

鄘國十篇三十章

衛第五

淇奧美武公之德也有文章又能聽其規諫以禮自防故能入相于周美而作是詩也

瞻彼淇奧綠竹猗猗有匪君子如切如磋如琢如磨瑟兮僖兮赫兮咺兮有匪君子終不可諼兮○瞻彼淇奧綠竹青青有匪君子充

耳琇瑩會弁如星瑟兮僖兮赫兮咺兮有匪君子終不可諼兮○瞻彼淇奧綠竹如簣有匪君子如金如錫如珪如璧寬兮綽兮猗重較兮善戲謔兮不為虐兮

淇奧三章

考槃刺莊公也不能繼先公之業使賢者退而窮處

考槃在澗碩人之寬獨寐寤言永矢弗諼○考槃在阿碩人之邁獨寐寤歌永矢弗過○考槃在陸碩人之軸獨寐寤宿永矢弗告

過鄭美
毛為過差

考槃三章

碩人閔莊姜也莊公惑於嬖妾使驕士僭莊姜賢而不答終以無子故國人閔而憂之

碩人其頤衣錦裝衣齊侯之子衛侯之妻東宮之妹邢侯之姨譚公維私○手如柔荑膚如凝脂領如蝤蛸齒如瓠犀螭首蛾眉巧笑倩兮美目盼兮○碩人敖敖說于農郊四牡有騶朱幘鑣鑣翟裼以朝大夫夙退無使君勞○河水洋洋北流活活施罟濊濊鱸鮪發

發葭葦揭揭庶姜孽孽庶士有暵

碩人四章

賦刺時也宣公之時禮義消亡淫風大行男女無別遂相奔誘華落色衰復相棄背或乃困而自悔嗟其妃耦故序其事以風焉美反正刺淫泆也

賦之蚩蚩抱布貿絲匪來貿絲來即我謀送子涉淇至于頓丘匪我愆期子無良媒將子無怒秋以為期○乘彼坳垣以望復關不見復關泣涕漣漣既見復關載笑載言爾卜爾

筮體無咎言以爾車來以我賄遷○桑之未
落其葉沃若于嗟鳩兮無食桑甚于嗟女兮
無與士耽士之耽兮猶可說也女之耽兮不
可說也○桑之落矣其黃而隕自我徂爾三
歲食貧淇水湯湯漸車帷裳女也不爽士貳
其行士也罔極二三其德○二歲為婦靡室
勞矣夙興夜寐靡有朝矣言既遂矣至于暴
矣兄弟不知啞其笑矣靜言思之躬自悼矣
○及爾偕老老使我怨淇則有岸隰則有泮
總角之宴言笑晏晏信誓旦旦不思其反反

是不思亦已焉哉

氓第六章

竹竿衛女思歸也適異國而不見答思而
能以禮者也

籊籊竹竿以釣于淇豈不爾思遠莫致之○

泉源在左淇水在右女子有行遠父母兄弟

○淇水在右泉源在左巧笑之瑳佩玉之儺

○淇水漙漙檜楫松舟駕言出遊以寫我憂

竹竿四章

芄蘭刺惠公也驕而無禮大夫刺之

不我知鄭義
下甲同

芄蘭之支童子佩觿雖則佩觿能不我知容
兮遂兮垂帶悸兮○芄蘭之葉童子佩鞶雖
則佩鞶能不我知容兮遂兮垂帶悸兮

芄蘭二章

河廣宋襄公母歸于衛思而不止故作是
詩也

誰謂河廣一葦杭之誰謂宋遠跂予望之○
誰謂河廣曾不容刀誰謂宋遠曾不崇朝

河廣二章

伯兮刺時也言君子行役為王前驅過時

而不反焉

伯兮揭兮邦之桀兮伯也執殳為王前驅○
自伯之東首如飛蓬豈無膏沐誰適為容○
其雨其雨杲杲出日願言思伯甘心首疾○
焉得諼草言樹之背願言思伯使我心痲

伯兮四章

有狐刺時也衛之男女失時喪其妃耦焉
古者國有凶荒則殺禮而多昏會男女之
無夫家者所以育人民也
有狐綏綏在彼淇梁心之憂矣之子無裳○

有狐綏綏在彼淇厲心之憂矣之子無帶○
有狐綏綏在彼淇側心之憂矣之子無服

有狐三章

木瓜美齊桓公也衛國有狄人之敗出處
于漕齊桓公救而封之遺之車馬器服焉
衛人思之欲厚報之而作是詩也

投我以木瓜報之以瓊琚匪報也永以為好
也○投我以木桃報之以瓊瑤匪報也永以
為好也○投我以木李報之以瓊玖匪報也
永以為好也

木瓜三章

衛國十篇三十四章

王第六

黍離閔宗周也周大夫行役至于宗周過
故宗廟宮室盡為禾黍閔周室之顛覆彷徨
不忍去而作是詩也

彼黍離離彼稷之苗行邁靡靡中心搖搖知
我者謂我心憂不知我者謂我何求悠悠蒼
天此何人哉○彼黍離離彼稷之穗行邁靡
靡中心如醉知我者謂我心憂不知我者謂

我何求悠悠蒼天此何人哉○彼黍離離彼稷之實行邁靡靡中心如噎知我者謂我心憂不知我者謂我何求悠悠蒼天此何人哉

黍離三章

君子于役刺平王也君子行役無期度大夫思其危難以風焉

君子于役不知其期曷其至哉雞棲于埘日之夕矣羊牛下來君子于役如之何勿思○君子于役不日不月曷其有佸雞棲于桀日之夕矣羊牛下括君子于役苟無飢渴

君子于役二章

君子陽陽閔周也君子遭亂相招為祿仕全身遠害而已

君子陽陽左執簧右招我由房其樂只且○君子陶陶左執壽右招我由敖其樂只且

君子陽陽二章

揚之水刺平王也不撫其民而遠屯戍于母家周人怨思焉

揚之水不流東薪彼其之子不與我成申懷哉懷哉曷月予還歸哉○揚之水不流東楚

不流 毛反語 鄭直說

彼其之子。不與我戍。甫懷哉懷哉。曷月予還歸哉。○揚之水。不流束蒲。彼其之子。不與我戍。許懷哉懷哉。曷月予還歸哉。

揚之水三章

中谷有蕓。閔周也。夫婦日以衰薄。凶年饑饉。室家相棄爾。

中谷有蕓。嘆其乾矣。有女仳離。慨其嘆矣。○中谷有蕓。嘆其脩矣。有女仳離。條其斲矣。遇人之不淑矣。○中谷有蕓。嘆其濕矣。有女仳離。啜其

泣矣。啜其泣。何嗟及矣。

中谷有蕓三章

兔爰。閔周也。桓王失信。諸侯背叛。構怨連禍。王師傷敗。君子不樂其生焉。

有兔爰爰。雉離于羅。我生之初。尚無為我生之後。逢此百罹。尚寐無吽。○有兔爰爰。雉離于羅。我生之初。尚無造我生之後。逢此百憂。尚寐無覺。○有兔爰爰。雉離于罝。我生之初。尚無庸我生之後。逢此百凶。尚寐無聰。

兔爰三章

葛藟王族刺平王也周室道衰棄其九族焉

縣縣葛藟在河之滸終遠兄弟謂他人父謂他人父亦莫我顧○縣縣葛藟在河之滸終遠兄弟謂他人母謂他人母亦莫我有○縣縣葛藟在河之滸終遠兄弟謂他人昆謂他人昆亦莫我聞

葛藟三章

采葛懼讒也

彼采葛兮一日不見如三月兮○彼采蕭兮

一日不見如三秋兮○彼采艾兮一日不見如三歲兮

采葛三章

大車刺周大夫也禮義陵遲男女淫奔故

陳古以刺今大夫不能聽男女之訟焉

大車檻檻毳衣如茨豈不爾思畏子不敢○

大車噶噶毳衣如璫豈不爾思畏子不奔○

穀則異室死則同穴謂予不信有如皦日

大車三章

丘中有麻思賢也莊王不明賢人放逐國

將其取鄭

人思之而作是詩也

丘中有麻彼留子嗟彼留子嗟將其來施施

○丘中有麥彼留子國彼留子國將其來食

○丘中有李彼留之子彼留之子貽我佩玖

丘中有麻三章

王國十篇二十八章

鄭第七

緇衣美武公也父子並為周司徒善於其職國人宜之故美其德以明有國善善之功焉

緇衣之宜兮敝予又改為兮適子之館兮還予授子之粢兮○緇衣之好兮敝予又改造兮適子之館兮還予授子之粢兮○緇衣之蕭兮敝予又改作兮適子之館兮還予授子之粢兮

緇衣三章

將仲子刺莊公也不勝其母以害其弟叔失道而公弗制祭仲諫而公弗聽小不忍以致大亂焉

將仲子兮無踰我里無折我樹杞豈敢愛之

詩三

三十一

良我父母仲可懷也。父母之言亦可畏也。○
將仲子兮。無踰我牆。無折我樹桑。豈敢愛之。
畏我諸兄。仲可懷也。諸兄之言亦可畏也。○
將仲子兮。無踰我園。無折我樹檀。豈敢愛之。
畏人之多言。仲可懷也。人之多言亦可畏也。

將仲子三章

叔于田刺莊公也。叔處于京。繕甲治兵。以
出于田。國人說而歸之。

叔于田。巷無居人。豈無居人。不如叔也。洵美
且仁。○叔于田。狩巷無飲酒。豈無飲酒。不如叔

也。洵美且好。○叔適野。巷無服馬。豈無服馬。
不如叔也。洵美且武。

叔于田三章

大叔于田。刺莊公也。叔多才而好勇。不義
而得衆也。

叔于田。乘乘馬。執轡如組。兩驂如舞。叔在藪。
火烈具舉。禮裼暴虎。獻于公所。將叔無狃。戒
其傷女。○叔于田。乘乘黃。兩服上襄。兩驂雁
行。叔在藪。火烈具揚。叔善射忌。又良御忌。抑
磬控忌。抑縱送忌。○叔于田。乘乘鵠。兩服齊

首兩驂如手，叔在藪，火烈具臯，叔馬慢，忌叔發罕，忌抑釋，搆忌抑鬯弓，忌。

大叔于田三章

清人刺文公也。高克好利而不顧其君，文公惡而欲遠之，不能使高克將兵而禦狄于竟，陳其師旅，翱翔河上，久而不召，衆散而歸。高克奔陳，公子素惡高克，進之，不以禮。文公退之，不以道，危國亡師之本，故作是詩也。

清人在彭，駟介劬劬，二矛重英，河上乎翱翔。

○清人在消，駟介麋麋，二矛重喬，河上乎逍遙。○清人在軸，駟介陶陶，左旋右抽，中軍作好。

清人三章

羔裘刺朝也。言古之君子以風其朝焉。羔裘如濡，洵直且侯，彼其之子，舍命不渝。○羔裘豹飾，孔武有力，彼其之子，邦之司直。○羔裘晏兮，三英粲兮，彼其之子，邦之彦兮。

羔裘三章

遵大路，思君子也。莊公失道，君子去之，國

人思望焉

遵大路兮。摻執子之祛兮。無我惡兮。不寔故也。○遵大路兮。摻執子之手兮。無我勳兮。不寔好也。

魏
鄭亦惠

遵大路二章

女曰雞鳴。刺不說德也。陳古義以刺今不說德而好色也。

女曰雞鳴。士曰昧旦。子興視夜。明星有爛。將翱將翔。弋鳧與鴈。○弋言加之。與子宜之。宜言飲酒。與子偕老。琴瑟在御。莫不靜好。○知

子之來之。雜佩以贈之。知子之順之。雜佩以問之。知子之好之。雜佩以報之。

女曰雞鳴三章

有女同車。刺忽也。鄭人刺忽之不昏于齊。太子忽嘗有功于齊。齊侯請妻之。齊女賢而不取。卒以無大國之助。至於見逐。故國人刺之。

有女同車。顏如薜華。將翱將翔。佩玉瓊琚。彼美孟姜。洵美且都。○有女同行。顏如薜英。將翱將翔。佩玉將將。彼美孟姜。德音不忘。

有女同車二章

山有扶蕪刺忽也所美非美然

山有扶蕪隰有荷華不見子都乃見狂且○

山有橋松隰有游龍不見子充乃見狡童

山有扶蘇二章

擗兮擗兮也君弱臣強不倡而和也

擗兮擗兮風其吹女叔兮伯兮倡予和女○

擗兮擗兮風其漂女叔兮伯兮倡予要女○

擗兮擗兮二章

狡童刺忽也不能與賢人圖事權臣擅命

倡予和女取鄭

也

彼狡童兮不與我言兮維子之故使我不能

餐兮○彼狡童兮不與我食兮維子之故使我

我不能息兮

狡童二章

褰裳思見正也狂童恣行國人思大國之

正己也

子惠思我褰裳涉溱子不我思豈無他人狂

童之狂也且○子惠思我褰裳涉洧子不我

思豈無他士狂童之狂也且

褰裳二章

羊。刺亂也。昏姻之道缺。陽倡而陰不和。男行而女不隨。

子之羊兮。俟我乎巷兮。悔予不送兮。○子之昌兮。俟我乎堂兮。悔予不將兮。○衣錦褰衣。裳錦褰裳。叔兮伯兮。駕予與行。○裳錦褰裳。衣錦褰衣。叔兮伯兮。駕予與歸。

羊四章

東門之墀。刺亂也。男女有不待禮而相奔者也。

東門之墀。茹蘆在阪。其室則邇。其人甚遠。○東門之栗。有踐家室。豈不爾思。子不我即。

東門之墀二章

風雨思君子也。亂世則思君子不改其度焉。

風雨淒淒。雞鳴喈喈。既見君子。云胡不夷。○風雨瀟瀟。雞鳴膠膠。既見君子。云胡不瘳。○風雨如晦。雞鳴不已。既見君子。云胡不喜。

風雨三章

子衿。刺學校廢也。世亂則學校不脩焉。

青青子衿。悠悠我心。縱我不往。子寧不嗣音。
○青青子佩。悠悠我思。縱我不往。子寧不來。
○挑兮達兮。在城闕兮。一日不見。如三月兮。

子衿三章

揚之水。閔無臣也。君子閔忽之。無忠臣良士。終以死。而作是詩也。

揚之水。不流束楚。終鮮兄弟。維予與女。無信人之言。人實廷女。
○揚之水。不流束薪。終鮮兄弟。維予二人。無信人之言。人實不信。

東門揚之水二章

出其東門。閔亂也。公子五爭兵革。不息。男女相棄。民人思保其室家焉。

出其東門。有女如雲。雖則如雲。匪我思存。縞衣綦巾。聊樂我員。
○出其闔閭。有女如荼。雖則如荼。匪我思且。縞衣茹蘆。聊可與娛。

出其東門二章

野有蔓草。思遇時也。君之澤不下流。民窮於兵革。男女失時。思不期而會焉。

野有蔓艸。零露漙漙。兮有美一人。清揚婉兮。邂逅相遇。適我願兮。
○野有蔓艸。零露瀼瀼。有

美一人婉如清揚。邂逅相遇與子偕臧。

野有蔓艸二章

溱洧刺亂也。兵革不息男女相棄淫風大行莫之能救焉。

溱與洧方渙渙兮士與女方秉蘭兮女曰觀乎士曰既且且往觀乎洧之外洵訏且樂維士與女伊其相諠贈之以勺藥○溱與洧瀏其清矣士與女殷其盈矣女曰觀乎士曰既且且往觀乎洧之外洵訏且樂維士與女伊其將諠贈之以勺藥

溱洧二章

鄭國二十一篇五十三章

齊第八

雞鳴思賢妃也哀公荒淫怠慢故陳賢妃負女夙夜警戒相成之道焉

雞既鳴矣朝既盈矣匪雞則鳴蒼蠅之聲○東方明矣朝既昌矣匪東方則明月出之光○蟲飛薨薨甘與子同夢會且歸矣無庶予

子憎

雞鳴三章

還刺荒也哀公好田獵從禽獸而無厭國
人化之遂成風俗習於田獵謂之賢閑於
馳逐謂之好焉

子之還兮遭我乎徂之間兮並驅從兩肩兮
揖我謂我儂兮○子之茂兮遭我乎徂之道
兮並驅從兩牡兮揖我謂我好兮○子之昌
兮遭我乎徂之陽兮並驅從兩狼兮揖我謂
我臧兮

還三章

著刺時也時不親迎也

俟我於著乎而充耳以素乎而尚之以瓊華
乎而○俟我於庭乎而充耳以青乎而尚之
以瓊瑩乎而○俟我於堂乎而充耳以黃乎
而尚之以瓊英乎而

著三章

東方之日刺衰也君臣失道男女淫奔不
能以禮化也

東方之日兮彼姝者子在我室兮在我室兮
履我卽兮○東方之月兮彼姝者子在我闥
兮在我闥兮履我發兮

履我卽兮

東方之日二章

東方未明刺無節也朝廷與居無節號令不時挈壺氏不能掌其職焉

東方未明顛倒衣裳顛之倒之自公召之○東方未晞顛倒裳衣倒之顛之自公命之○折柳樊圃狂夫瞿瞿不能晨夜不夙則莫

東方未明三章

南山刺襄公也鳥獸之行淫乎其妹大夫遇是惡作詩而去之

南山崔崔雄狐綏綏魯道有蕩齊子由歸既

曰歸止曷又懷止○葛屨五兩冠緜雙止魯道有蕩齊子庸止既曰庸止曷又從止○蕤麻如之何衡從其畝取妻如之何必告父母既曰告止曷又鞠止○析薪如之何匪斧不克取妻如之何匪媒不得既曰得止曷又極止

南山四章

甫田大夫刺襄公也無禮義而求大功不脩其德而求諸侯志大心勞所以求者非其道也

無田甫田維莠騫騫無思遠人勞心忉忉○
無田甫田維莠桀桀無思遠人勞心怛怛○
婉兮孌兮總角卬兮未幾見兮突而弁兮

甫田三章

盧令刺荒也襄公好田獵畢弋而不脩民事百姓苦之故陳古以風焉

盧令令其人美且仁○盧重環其人美且鬢○
盧重鋠其人美且偲○

盧令三章

敝笱刺文姜也齊人惡魯桓公微弱不能

防閑文姜使至淫亂為二國患焉

敝笱在梁其魚魴鰈齊子歸止其從如雲○
敝笱在梁其魚魴鰈齊子歸止其從如雨○
敝笱在梁其魚唯唯齊子歸止其從如水○

敝笱三章

載驅齊人刺襄公也無禮義故盛其車服疾驅於通道大都與文姜淫播其惡於萬民焉

載驅薄薄簞茀朱鞞魯道有蕩齊子發夕○
四驪濟濟垂轡泲泲魯道有蕩齊子豈弟○

汶水湯湯行人彭彭魯道有蕩齊子翱翔○
汶水滔滔行人儻儻魯道有蕩齊子遊敖○

載驅四章

猗嗟刺魯莊公也齊人傷魯莊公有威儀
技藝然而不能以禮防閑其母失子之道
人以為齊侯之子焉

猗嗟昌兮頎而長兮抑若揚兮美目揚兮巧
趨踰兮射則臧兮○猗嗟名兮美目清兮儀
既成兮終日射侯不出正兮展我甥兮○猗
嗟變兮清揚婉兮舞則選兮射則貫兮四矢

送鄭義

反兮以禦亂兮

猗嗟三章

齊國十一篇三十四章

魏第九

葛屨刺褊也魏地陘隘其民機巧趨利其
君儉嗇褊急而無德以將之

糾糾葛屨可以履霜摻摻女手可以縫裳要
之襪之好人服之○好人提提宛然左辟佩
其象揅維是褊心是以為刺

葛屨二章

魏
四

汾沮如刺儉也其君儉以能勤刺不得禮也

彼汾沮如言采其莫彼其之子美無度美無度殊異乎公路○彼汾一方言采其桑彼其之子美如英美如英殊異乎公行○彼汾一曲言采其蕢彼其之子美如玉美如玉殊異乎公族

汾沮如三章

園有桃刺時也大夫憂其君國小而迫而儉以嗇不能用其民而無德教日以侵削

故作是詩也

園有桃其實之殺心之憂矣我歌且謠不知我者謂我士也驕彼人是哉子曰何其心之憂矣其誰知之其誰知之蓋亦勿思○園有棘其實之食心之憂矣聊以行國不知我者謂我士也國極彼人是哉子曰何其心之憂矣其誰知之其誰知之蓋亦勿思

園有桃二章

陟岵孝子行役思念父母也國迫而數侵削役乎大國父母兄弟離散而作是詩也

陟彼岵兮瞻望父兮父曰嗟予子行役夙夜
無已上慎旃哉猶來無止○陟彼屺兮瞻望
母兮母曰嗟予季行役夙夜無寐上慎旃哉
猶來無棄○陟彼岡兮瞻望兄兮兄曰嗟予
弟行役夙夜必偕上慎旃哉猶來無死

陟岵三章

十畝之間刺時也言其國削小民無所居
焉
十畝之間兮桑者閔閔兮行與子還兮○十
畝之外兮桑者泄泄兮行與子逝兮

十畝之間二章

伐檀刺貪也在位貪鄙無功而受祿君子
不得進仕爾
坎坎伐檀兮寘之河之干兮河水清且漣漪
不稼不穡胡取禾三百廛兮不狩不獵胡瞻
爾庭有縣貍兮彼君子兮不素餐兮○坎坎
伐輻兮寘之河之側兮河水清且直猗不稼
不穡胡取禾三百億兮不狩不獵胡瞻爾庭
有縣特兮彼君子兮不素食兮○坎坎伐輪
兮寘之河之濬兮河水清且淪猗不稼不穡

胡取禾三百困兮不狩不獵胡瞻爾庭有縣
鷄兮彼君子兮不素飧兮

伐檀三章

碩鼠刺重斂也國人刺其君重斂蠶食於
民不脩其政貪而畏人若大鼠也

碩鼠碩鼠無食我黍三歲貫女莫我肯顧逝
將去女適彼樂土樂土樂土爰得我所○碩
鼠碩鼠無食我麥三歲貫女莫我肯德逝將
去女適彼樂國樂國樂國爰得我直○碩鼠
碩鼠無食我苗三歲貫女莫我肯勞逝將去

女適彼樂郊樂郊樂郊誰之永號

碩鼠三章

魏國七篇十八章

唐第十

蟋蟀刺晉僖公也儉不中禮故作是詩以
閔之欲其及時以禮自虞樂也此晉也而
謂之唐本其風俗憂深思遠儉而用禮乃
有堯之遺風焉

蟋蟀在堂歲聿其莫今我不樂日月其除無
已大康職思其居好樂無荒良士瞿瞿○蟋

蟋蟀在堂歲聿其逝今我不樂日月其邁無已
大康職思其外好樂無荒良士蹶蹶○蟋蟀
在堂役車其休今我不樂日月其慆無已大
康職思其憂好樂無荒良士休休

蟋蟀三章

山有樞刺晉昭公也不能修道以正其國
有財不能用有鐘鼓不能以自樂有朝廷
不能洒埽政荒民散將以危亡四鄰謀取
其國家而不知國人作詩以刺之也
山有樞隰有榆子有衣裳弗曳弗婁子有車

馬弗馳弗驅宛其死矣他人是愉○山有栲
隰有杻子有廷內弗洒不埽子有鐘鼓弗鼓
弗考宛其死矣他人是保○山有漆隰有栗
子有酒食何不日鼓瑟且以喜樂且以永日
宛其死矣他人入室

山有樞三章

揚之水刺晉昭公也昭公分國以封沃沃
盛疆昭公微弱國人將叛而歸沃焉
揚之水白石鑿鑿素衣朱裸從子于沃既見
君子云何不樂○揚之水白石皓皓素衣朱

繡從子于鵠既見君子云何其憂○揚之水白石粼粼我聞有命不敢以告人

揚之水三章

椒聊刺晉昭公也君子見沃之盛彊能脩其政知其蕃衍盛大子孫將有晉國焉

椒聊之實蕃衍盈升彼其之子碩大無朋椒聊且遠條且○椒聊之實蕃衍盈匊彼其之子碩大且篤椒聊且遠條且

椒聊二章

網繆刺晉亂也國亂則昏姻不得其時焉

網繆束薪三星在天今夕何夕見此良人子兮子兮如此良人何○網繆束芻三星在隅今夕何夕見此邂逅子兮子兮如此邂逅何○網繆束楚三星在戶今夕何夕見此粲者子兮子兮如此粲者何

網繆三章

扶杜刺時也君不能親其宗族骨肉離散獨居而無兄弟將為沃所并爾

有杜之杜其葉湑湑獨行踽踽豈無他人不如我同父嗟行之人胡不比焉人無兄弟胡

不飲焉。○有扶之杜。其葉菁菁。獨行景景。豈無他人。不如我同姓。嗟行之人。胡不比焉。人無兄弟。胡不飲焉。

扶杜二章

羔裘刺時也。晉人刺其在位不恤其民也。

羔裘豹祛。自我人居居。豈無他人。維子之故。

○羔裘豹褻。自我人究究。豈無他人。維子之

好。

羔裘二章

鴝羽刺時也。昭公之後。大亂五世。君子下

從征役。不得養其父母。而作是詩也。

肅肅鴝羽。集于苞栩。王事靡盬。不能蓺稷黍。

父母何怙。悠悠蒼天。曷其有所。○肅肅鴝翼。

集于苞棘。王事靡盬。不能蓺黍稷。父母何食。

悠悠蒼天。曷其有極。○肅肅鴝行。集于苞桑。

王事靡盬。不能蓺稻粱。父母何嘗。悠悠蒼天。

曷其有常。

鴝羽三章

無衣刺晉武公也。武公始并晉國。其大夫

爲之請命乎天子之使。而作是詩也。

美

豈曰無衣七兮不如子之衣安且吉兮○豈
曰無衣六兮不如子之衣安且燠兮

無衣二章

有杖之杜刺晉武公也武公寡特兼其宗
族而不求賢以自輔焉

有杖之杜生于道左彼君子兮噬肯適我中
心好之曷飲食之○有杖之杜生于道周彼
君子兮噬肯來遊中心好之曷飲食之

有杖之杜二章

葛生刺晉獻公也獻公好攻戰則國人多

喪矣

葛生蒙楚藪蔓于野予美此誰與獨處○
葛生蒙棘藪蔓于域予美此誰與獨息○
角枕粲兮錦衾爛兮予美此誰與獨旦○
夏之日冬之夜百歲之後歸于其居○冬之
夜夏之日百歲之後歸于其室

葛生五章

采芩刺晉獻公也獻公好聽讒焉

采芩采芩首陽之巔人之偽言苟亦無信舍
旃舍旃苟亦無然人之偽言胡得焉○采芩

王肅詁本作爲
言定本作偽言
音義云作偽非

采苦首陽之下。人之偽言。苟亦無與。舍旃舍旃。亦無然人之偽言。胡得焉。○采葑采葑。首陽之東。人之偽言。苟亦無從。舍旃舍旃。亦無然人之偽言。胡得焉。

采芩三章

唐國十二篇三十三章

秦第十一

車鄰美秦仲也。秦仲始大有車馬禮樂侍御之好焉。

有車鄰鄰有馬白巔未見君子寺人之命。○

阪有漆隰有栗既見君子並坐鼓瑟今者不樂逝者其耆。○阪有桑隰有揚既見君子並坐鼓簧今者不樂逝者其凶。

車鄰三章

駟驥美襄公也始命有田狩之事園囿之樂焉。

駟驥孔阜六轡在手公之媚子從公于狩。○奉時辰牡辰牡孔碩公曰左之舍拔則獲。○遊于北園四馬既閑輶車鸞鑣載獫歃駢。

駟驥三章

小戎美襄公也備其兵甲以討西戎西戎
方強而征伐不休國人則矜其車甲婦人
能閔其君子焉

小戎伐收五檠梁輶游環脅驅陰剗塗續文
茵暢轂駕我騏驎言念君子溫其如玉在其
板屋亂我心曲○四牡孔阜六轡在手騏驎
是中駟驪是駮龍盾之合塗以艘輶言念君
子溫其在邑方何為期胡然我念之○伐駟
孔羣九矛塗錞蒙伐有苑虎韞鏐膺交韞二
弓竹閉緄滕言念君子載寢載興厭厭良人

秩秩德音

小戎三章

蒹葭刺襄公也未能用周禮將無以固其
國焉

蒹葭蒼蒼白露為霜所謂伊人在水一方溯
洄從之道阻且長溯游從之宛在水中央○
蒹葭萋萋白露未晞所謂伊人在水之湄溯
洄從之道阻且躋溯游從之宛在水中坻○
蒹葭采采白露未已所謂伊人在水之涘溯
洄從之道阻且右溯游從之宛在水中沚

蒹葭三章

終南戒襄公也能取周地始為諸侯受顯服大夫美之故作是詩以戒勸之

終南何有有條有梅君子至止錦衣狐裘顏如渥丹其君也哉○終南何有有紀有堂君子至止黻衣繡裳佩玉將將壽考不忘

終南二章

黃鳥哀三良也國人刺穆公以人從死而作是詩也

交交黃鳥止于棘誰從穆公子車奄息維此

奄息百夫之特臨其穴惴惴其慄彼蒼者天殲我良人如可贖兮人百其身○交交黃鳥止于桑誰從穆公子車仲行維此仲行百夫之防臨其穴惴惴其慄彼蒼者天殲我良人如可贖兮人百其身○交交黃鳥止于楚誰從穆公子車鍼虎維此鍼虎百夫之禦臨其穴惴惴其慄彼蒼者天殲我良人如可贖兮人百其身

黃鳥三章

晨風刺康公也忘穆公之業始棄其賢臣

焉

駘彼晨風鬱彼北林未見君子憂心欽欽如何如何忘我實多○山有苞櫟隰有六駮未見君子憂心靡樂如何如何忘我實多○山有苞棣隰有樹檉未見君子憂心如醉如何如何忘我實多

晨風三章

無衣刺用兵也秦人刺其君好攻戰亟用兵而不與民同欲焉
豈曰無衣與子同袍王于興師修我戈矛與

子同仇○豈曰無衣與子同澤王于興師脩我矛戟與子偕作○豈曰無衣與子同裳王于興師脩我甲兵與子偕行

無衣三章

渭陽康公念母也康公之母晉獻公之女文公遭麗姬之難未反而秦姬卒穆公納文公康公時為太子贈送文公于渭之陽念母之不見也我見舅氏如母存焉及其即位思而作是詩也

我送舅氏曰至渭陽何以贈之路車乘黃○

我送舅氏悠悠我思何以贈之瓊瑰玉佩

渭陽二章

權輿刺康公也忘先君之舊臣與賢者有始而無終也

於我乎夏屋渠渠今也每食無餘于嗟乎不承權輿○於我乎每食四簋今也每食不飽于嗟乎不承權輿

權輿二章

秦國十篇二十七章

陳第十二

宛丘刺幽公也淫荒昏亂游蕩無度焉

子之湯兮宛丘之上兮洵有情兮而無望兮

○坎其擊鼓宛丘之下無冬無夏值其鷺羽

○坎其擊缶宛丘之道無冬無夏值其鷺翮

宛丘三章

東門之枌疾亂也幽公淫荒風化之所行

爾男女棄其舊業或會於道路歌舞於市井

東門之枌宛丘之栩子仲之子婆娑其下○

穀旦于差南方之原不績其麻市也婆娑○

穀旦于逝越以駸邁視爾如蒞貽我握椒

東門東門之枌三章

衡門誘僖公也愿而无立志故作是詩以誘掖其君也

衡門之下可以棲遲泌之洋洋可以樂飢

豈其食魚必河之魴豈其取妻必齊之姜

豈其食魚必河之鯉豈其取妻必宋之子

衡門三章

東門之池刺時也疾其君之淫昏而思賢

女以配君子也

東門之池可以漚麻彼美淑姬可與晤歌

東門之池可以漚紵彼美淑姬可與晤語

東門之池可以漚菅彼美淑姬可與晤言

東門之池三章

東門之楊刺時也昏姻失時男女多違親

迎女猶有不至者也

東門之楊其葉牂牁昏以為期明星煌煌

東門之楊其葉肺肺昏以為期明星哲哲

東門之楊二章

墓門刺陳佗也陳佗無良師傅以至於不

義惡加於萬民焉

墓門有棘斧以斯之夫也不良國人知之知而不已誰昔然矣○墓門有梅有鴉萃止夫也不良歌以訊之訊予不顧顛倒思予

墓門二章

防有鵲巢憂讒賊也宣公多信讒君子憂懼焉

防有鵲巢。邛有旨苕。誰侑予美。心焉忉忉。○中唐有甍。邛有旨鷓。誰侑予美。心焉惕惕。○防有鵲巢二章

月出刺好色也在位不好德而說美色焉
月出皎兮佼人僚兮舒窈窕兮勞心悄兮○
月出皓兮佼人懽兮舒懽受兮勞心慍兮○
月出照兮佼人燎兮舒夭紹兮勞心慘兮○

月出三章

株林刺靈公也淫乎夏姬驅馳而往朝夕不休息焉

胡為乎株林從夏南匪適株林從夏南○駕我乘馬說于株野乘我乘駒朝食于株

株林二章

澤陂刺時也言靈公君臣淫於其國男女相說憂思感傷焉

彼澤之陂有蒲與荷有美一人傷如之何寤寐無為涕泗沔沔○彼澤之陂有蒲與荷有美一人碩大且卷寤寐無為中心悄悄○彼澤之陂有蒲齒萑有美一人碩大且儼寤寐無為輾轉伏枕

澤陂三章

陳國十篇二十六章

檜第十三

羔裘大夫以道去其君也國小而迫君不用道好絜其衣服逍遥遊燕而不能自強於政治故作是詩也

羔裘逍遥狐裘以朝豈不爾思勞心忉忉○羔裘翱翔狐裘在堂豈不爾思我心憂傷○羔裘如膏日出有曜豈不爾思中心是悼

羔裘三章

素冠刺不能三年也

庶見素冠兮棘人樂樂兮勞心博博兮○庶見素衣兮我心傷悲兮聊與子同歸兮○庶

見素鞞兮我心蒞結兮聊與子如一兮

素冠三章

隰有萋楚疾恣也國人疾其君之淫恣而思無情慾者也

隰有萋楚猗儺其枝沃沃樂子之無知

隰有萋楚猗儺其華沃沃樂子之無

家隰有萋楚猗儺其實沃沃樂子之

無室

隰有萋楚三章

匪風思周道也國小政亂憂及禍難而思

周道焉

匪風發兮匪車偈兮顧瞻周道中心怛兮

匪風飄兮匪車嘌兮顧瞻周道中心弔兮

誰能亨魚既之金鸞誰將西歸懷之好音

匪風三章

檜國四篇十二章

曹第十四

蜉蝣刺奢也昭公國小而迫無法以自守

好奢而任小人將無所依焉

蜉蝣之羽衣裳楚楚心之憂矣於我歸處

說音稅
恒白如字

毛詩正文

蜉蝣之翼采采衣服心之憂矣於我歸息○
蜉蝣掘閱麻衣如雪心之憂矣於我歸說

蜉蝣三章

候人刺近小人也其公遠君子而好近小人焉

彼候人兮何戈與楨彼其之子三百赤芾○
維鵜在梁不濡其翼彼其之子不稱其服○
維鵜在梁不濡其味彼其之子不遂其媾○
蒼兮蔚兮南山朝隰婉兮孌兮季女斯飢○
候人四章

鳴鳩刺不壹也在位無君子用心之不壹也

鳴鳩在桑其子七兮淑人君子其儀一兮其儀一兮心如結兮○鳴鳩在桑其子在梅淑人君子其帶伊絲其帶伊絲其弁伊騏○鳴鳩在桑其子在棘淑人君子其儀不忒其儀不忒正是四國○鳴鳩在桑其子在榛淑人君子正是國人正是國人胡不萬年

鳴鳩四章

下泉思治也曹人疾共公侵刻其下民不

毛詩三

上二

得其所憂而思明王賢伯也

列彼下泉浸彼苞稂愾我寤嘆念彼周京○

列彼下泉浸彼苞蕭愾我寤嘆念彼京周○

列彼下泉浸彼苞菁愾我寤嘆念彼京師○

芄芄黍苗陰雨膏之四國有王郇伯勞之○

下泉四章

曹國四篇十五章

豳第十五

七月陳王業也周公遭變故陳后稷先公風化之所由致王業之艱難也

七月流火九月授衣一之日鬻發二之日栗

烈無衣無褐何以卒歲三之日于耜四之日

舉趾同我婦子饁彼南畝田畯至喜○七月

流火九月授衣春日載陽有鳴倉庚女執懿

筐遵彼微行爰求柔桑春日遲遲采芣芣○

女心傷悲殆及公子同歸○七月流火八月

萑葦蠶月條桑取彼斧斨以伐遠揚猗彼女

桑七月鳴鵙八月載績載玄載黃我朱孔陽

為公子裳○四月秀葽五月鳴蜩八月其穫

十月隕墜一之日于貉取彼狐狸為公子裘

同歸 鄭義

二之日其同載纘武功言私其縱獻豨于公
○五月斯螽動股六月莎雞振羽七月在野
八月在宇九月在戶十月蟋蟀入我牀下穹
室熏鼠塞向瑾戶嗟我婦子曰為改歲入此
室處○六月食鬱及薺七月亨葵及菽八月
剝棗十月穫稻為此春酒以介眉壽七月食
瓜八月斷壺九月叔苴采荼薪樗食我農夫
○九月築場圃十月納禾稼黍稷重穋禾麻
菽麥嗟我農夫我稼既同土入執宮功晝爾
于茅宵爾索綯亟其乘屋其始播百穀○二

之日鑿冰冲冲三之日納于凌陰四之日其
蚤獻羔祭韭九月肅霜十月滌場朋酒斯饗
曰殺羔羊躋彼公堂稱彼兕觥萬壽無疆

七月八章

鳴鴉周公救亂也成王未知周公之志公
乃為詩以遺王名之曰鳴鴉焉

鳴鴉鳴鴉既取我子無毀我室恩斯勤斯鬻
子之閔斯○迨天之未陰雨徹彼桑土綢繆
牖戶今女下民或敢侮予○予手拮据予所
將茶予所蓄租予口卒瘁曰予未有室家○

或敢

予羽譙譙予尾脩脩予室翹翹風雨所漂搖
予維音嘒嘒

鷓鴣四章

東山周公東征也周公東征三年而歸勞
歸士大夫美之故作是詩也一章言其完
也二章言其思也三章言其室家之望女
也四章樂男女之得及時也君子之於人
序其情而閔其勞所以說也說以使民
忘其死其唯東山乎

我徂東山惓惓不歸我來自東零雨其濛我

東曰歸我心西悲制彼裳衣勿士行枚蝟蝟
者蠋丞在桑野敦彼獨宿亦在車下○我徂
東山惓惓不歸我來自東零雨其濛果臝之
實亦施于宇伊威在室蠨蛸在戶町疇鹿場
熠燿宵行不可畏也伊可懷也○我徂東山
惓惓不歸我來自東零雨其濛鸛鳴于垤婦
歎于室洒埽穹窒我征聿至有敦瓜苦丞在
栗薪自我不見于今三年○我徂東山惓惓
不歸我來自東零雨其濛倉庚于飛熠燿其
羽之子于歸皇駭其馬親結其縈九十其儀

其新孔嘉其舊如之何

東山四章

破斧美周公也周大夫以惡四國焉

既破我斧又缺我斨周公東征四國是皇哀我人斯亦孔之將
○既破我斧又缺我錡周公東征四國是吡哀我人斯亦孔之嘉
○既破我斧又缺我鉞周公東征四國是道哀我人斯亦孔之休

破斧三章

伐柯美周公也周大夫刺朝廷之不知也

伐柯如何匪斧不克取妻如何匪媒不得
○伐柯伐柯其則不遠我覲之子遵豆有踐

伐柯二章

九罭美周公也周大夫刺朝廷之不知也
九罭之魚鱒魴我覲之子衮衣繡裳
○鴻飛遵渚公歸無所於女信處
○鴻飛遵陸公歸不復於女信宿
○是以有衮衣兮無以我公歸兮無使我心悲兮

九罭四章

狼跋美周公也周公攝政遠則四國流言

近則王不知。周大夫美其不失其聖也。

狼跋其胡，載疐其尾。公孫碩膚，赤舄几几。

狼疐其尾，載跋其胡。公孫碩膚，德音不瑕。

狼跋二章

豳國七篇二十七章

毛詩正文上

德脩舍藏書

